

橫溪漫錄

何太宰每宴不食尚方所食晉武帝令就其家取之帝幸王武
子第侍婢數百人各持琉璃器供膳食蒸豚有異于常問乃
以人乳飲之齊武帝幸芳林園就虞悺求味獻糲乃雜有數
十官家不及也上欲求飲食方不得後體不快悺僅獻醒酒
鱖魚一方而已當時君臣可共乃爾

食之多者史稱廉頗七十餘一飯斗米秤肉注云秤十斤也苻
堅拂蓋卽夏馥等三人每食飯一石肉三十斤長至丈九尺
理或勝之宋明帝噉白肉至二百片蜜漬逐鯪一頓數鉢蕭穎

曹噉白肉膾至二斗馬布聲日噉雞五十然皆江左人也

范汪噉青梅一斛都盡更為難

齊王好食雞跖日進雞七十臨江王妃江無畏好食鯖魚頭日

進鯽魚三百

宋史載張齊賢罷相知安陸賓客會厨吏密置一金漆大桶
廳側窺公所飲食如其物投桶中至暮漲溢桶外公一食肥
猪肉輒十餘斤風藥黑神丸常人服不過彈許公常以五兩
為大劑夾以胡餅頓食之趙丞相雄上殿奏事上從容問曰聞

卿善啖欲作小點心相請趙起謝命內史侍捧史忠惠所進玉
海容三升者賜之凡七賜皆醕繼以金拌捧籠炊百枚食其半
上曰卿可盡之遂食至盡上為之一笑後南帥曰欲求其偶
而不得有以兵馬監押薦者召對飲各盡酒三斗猪羊肉五
斤蒸餅五十事趙已醉飽摩腹其人尚醒因進酒斗許將別其
人腹間忽轟然有聲蓋恒時束革帶限之漲而斷也張趙微
時跣弛事極相類

太保顧鼎臣三夢徐昌穀任第二殿帝君後詹事陸深將終之

夕亦預夢之其事尤奇恠王弼州別有紀

致和二年嘉州奏風雷折古樹中有定僧瓜髮被體詔與
至禁中譯經三藏金總持令擊金磬以覺之詢其名曰我慧
遠法師弟慧持也因遊峨嵋至此問欲何歸曰陳留古樹中
詔以禮送之因圖形製讚云七百年来考古錐定中消息許
誰知爭如隻履西歸去生死何勞木作皮

廬山上有三石梁長數十丈廣不盈尺俯眇杳無底咸康中江
州刺史庾亮迎吳猛、將弟子登山游觀因過此梁見一老

公坐桂樹下以玉杯承甘露與猛、遍與弟子又進至一處見
崇臺廣廈玉宇金房琳瑯焜耀暉彩眩目多珍寶玉器不可
識設玉膏終日

學道當別寢靜思戒畜肉及五辛菜尤忌房室、即死

老子^以商王湯甲十八年降胎至武丁九年生在周西伯時為戲
史號熒邑子武王時為柱下史號育成子成王時為經成子康
王時為郭叔子西出關自流沙還授禮于孔子在天以玉晨大
道君為師在人間以常樞為師

老子一名李耳字伯陽二名雅字伯宗三名忠字伯光四名石
字孟公五名重字子文六名定字元陽七名元字伯始八名顯
字元生九名德字伯文身凡九變

老子有七十二相八十一好頭圓為天伏晨蟠起玉枕穹窿皓
髮如鶴長七尺餘眉有北斗其色翠綠其間紫毛長五寸餘虎
髭龍鬚素潔如絲耳無輪郭中有三漏高平于頂厚而且堅
兩目日光方瞳綠筋鼻有雙柱形如截筒口方如海唇赤如丹
氣有紫色其香如蘭齒如編貝其堅如銀數有六八上下均平

舌長且廣形如錦文玉泉充溢其味甘香每發妙言聲如金玉
額高而起頤方若矩日角月圓金容玉姿龍顏肅上鳳視閑上
額有允像參午上達天庭平坦金匱充盈腹有白痣頤有玉丸
項有三約鶴素昂上垂臂過膝手握十文其指纖長爪有玉甲
身有綠毛胸有偃骨背貝河魁臍深寸餘腹軟如綿心有錢文
腹有玄痣眼有輪文足踏二趾指有乾坤身長丈二徧體芳香
面方而澤上下三停身如金剛貌若琉璃行如虎步動若龍超
此其相也左扶青龍右據白虎前導朱雀後從玄武頭蔭紫文

足履蓮花頂負兩景五明曜日自有圖象洞照九天兼前仙相
光色奇妍總八十一謂之好也見老子史略

如來三十二相足下有平滿相猶如奩底地雖高下隨足所蹈
坦然等觸第一足下千輻輪文輞轂衆相無不圓滿第二手足
並皆柔軟如兜羅錦第三兩足一一指間猶如雁王鞞網交絡
文同綺画第四手足諸指圓滿纖長可愛第五足跟廣長圓滿
與跌相稱第六足趺修高光滿與跟相稱第七雙腓漸次纖圓
如鹿王腓第八雙臂平立摩膝如象王鼻第九陰相勢鋒藏密

猶龍馬第十毛孔各一毛生紺青宛轉第十一髮毛端皆上靡
右旋宛轉第十二身皮細薄滑潤垢水不住第十三身皮金色
晃耀諸宝莊嚴第十四兩足兩掌中頸雙肩七處充滿第十五
肩項圓滿殊妙第十六膊腋悉皆充寔第十七容儀洪滿端直
第十八身相脩廣端嚴第十九體相量等圓滿如諾瞿陀第二十
頷臆并身上半威容廣大如師子王第二十一常光面各一尋第
二十二齒相四十齊平淨密根深白逾珂雪第二十三四牙解
白鋒利第二十四常得味中上味第二十五舌相薄淨廣長能

覆面輪至耳髮際第二十六梵音詞韻和雅隨衆多少無不等
分第二十七眼睫猶若牛王紺青齊整第二十八眼睛紺青鮮
白紅環間節皎潔分明第二十九面輪猶滿月眉相皎淨如天
帝弓第三十眉間有白毫相柔輭如絲白逾珂雪第三十一頂上
烏瑟膩沙高顯隆圓猶如天蓋第三十二見般若經
先聖生有異質凡四十九表反目注面月角日準河目海口
斗唇昌頤均頤輔喉駢齒龍形龜脊虎掌駢脇參膚圩頂山
臍林背翼臂注頭阜腴堤眉地足谷竅雷聲澤面如蒙俱

兩目方相也。手垂過膝，眉一十二彩，目六十四理，立如鳳峙，坐如龍蹲，手握天文，足履度字，望之如仆，就之如升，修上超下，末倭後耳，視若營四海，耳垂珠庭，胸有文曰制，作定世符，身長九尺六寸，腰大十圍。

山巨源飲至八斗，晉武帝每令私益之，盡量而止。周伯仁渡江，雖日醉，恒云無對。後有舊訪之，欣然命酒，各盡二石，大醉其人，酒從臍出，滂沱床下而死。滿寵馬融傳玄，劉京皆飲一石不亂。鄧元起飲一斛不亂。裴弘泰白杯勺以至觥觥重二

百餘兩可為酒人之冠

稽阮劉畢始為裸袒之飲而已渡江以後周伯仁醉欲通紀瞻婢露其醜穢為憲司所劾按五行志晉惠帝元康中貴遊子弟相與為散髮之飲對弄婢妾非之者負訕則不止一伯仁而已占以為貌不恭之災

劉潛石曼卿輩尤為豪飲每飲必云幾日一日興方濃而酒垂竭傍有醋三斗併飲之酒醋俱盡或置身木杪而飲曰巢飲以席自束出首而飲之已復縮入曰鼃飲所謂牛飲者不

足道也歐陽永叔梅聖俞俱量可盡百杯每遇劉潛石曼卿輒為所困

漢明帝時始有佛法在位止十八年宋齊梁陳事佛漸謹梁武
餓死臺城國亦尋滅赫連勃勃畫佛于背迫僧禮拜為雷震死
子昌滅佛教身死國滅魏太武誅僧毀寺見弑人手周武帝除
佛法次年宴駕子大國亡後武宗去塔寺亦以次崩無子宋徽
宗改佛為金仙約僧留髮尋有播遷之禍皆不可曉也
傳奕年八十五病未嘗問醫忽酣臥蹶然起曰吾死矣乎即自

誌曰傅奕青山白雲人也以醉死

漢武內傳王母設膳命王子登彈八音之璈董雙成吹雲和之
笙石公子擊昆庭之鐘許飛瓊鼓震靈之簧阮靈華拊五雲
之石范成君擊洞陰之磬段安香作九天之鈞武夷山古記秦
始皇二年八月十五日武夷君魏子騫會鄉人于幔亭命張
安陵打引鼓趙元奇拍副鼓劉小禽坎鈴鼓曾少重擺鼗鼓喬
知滿振嘈鼓高子春持短鼓鮑公希吹橫笛何鳳兒拊節板東
幄奏賓雲左仙之曲次命董嬌娘彈坎篪謝英妃撫長琴呂荷

香憂國腹即琵琶黃次姑噪悲慄即簞簟秀淡鳴洞簫宋小
娥運居巢笙羅妙容揮鉦鈸銅鈸西幄奏賓雲右仙之曲行酒
進食乃令彭令昭唱人間可哀之曲

京房已戮義熙中兵發其墓屍尚完具人以為僵屍肉堪療病
分割之房明易道能前知而生不能保其身歿又不能保其屍
所不解也

卞忠貞墓見發屍如生鬚髮蔚然指爪達于背至顏文忠尤異
二君豈所謂兵解者耶文忠素好道術得神丹歿後能寄書

及黃金于其家固爾若忠貞傳謂其疽發背方愈與賊苦戰被殺且生平剛峭非知道術者何^{不知}以能若是耶

顓頊氏三子亡而為疫鬼一居江水為產鬼一居若水為魍魎
蜮鬼一居宮室區隅善驚人為小鬼

武當山一名謝羅山蓋以謝允仙迹也晉咸和中歷陽謝允為
羅令棄官隱遁茲山得道仙去故名按甄異傳云謝允字道通
年十五為蘇峻賊兵王免所掠賣東陽蔣鳳家嘗飼虎檻中狗
入則一虎攀木仰視允謂虎曰此木本為汝施而我幾死其中